


D. II. 13 (a-b)

L. B. C. R



Amans, Gus Traiesters  
m p p



NOVVS PROTEVS  
I E S V S  
SALVATOR  
M V N D I.

Anagrammaticè  
centies inuersus, ac centum distichis  
A D O R N A T V S:

ET  
*In Strenam Iuuentuti Studiose Monasterij  
Tynecensis, Ordinis*

S. BENEDICTI,

A B  
A. R. D. STANISLAW SCZYGIELSKI,  
PRAEPOSITO TVCHOVIENSI  
O B L A T V S.

Calendis Ianuarijs, Anno reparatae salutis  
M. DC. LXIV.

••••• ••••• ••••• ••••• ••••• •••••  
C R A C O V I Æ,  
Apud A L B E R T V M S I E K I E L O W I C,  
S. R. M. Typographum.

I E S V S  
D E V I R G I N E  
N A T V S.

A N A G R A M M A.

Sanè vigens virtus Dei.



**Q** Vis, precor, iste puer prodit de Virgine natus?  
Sit licet in cunis, est ratione vigens.  
Sanè CHRISTE vigens puer es Sapia Patris,  
Atque Dei virtus diceris esse simul.



*Charissimis In CHRISTO Fratribus,*  
CELEBERRIMI TYNECENSIS MONAST.  
ORDINIS S. P. NOSTRI  
**BENEDICTI**  
PROFESSIS:

F. P. STANISLAVS SCZYGIELSKI,  
Præpositus Tuchouiensis.  
Felicissimum Noui Anni, precatur auspiciam.



*Anuarij Calendas anni auspices largiendis Strenis sacrauit Antiquitas, FF. Charissimi, atq; ea consuetudo iam inde à Tatio Sabinorum Rege in posteritatem transmissa est, quem Verbenas felicis arboris ex luco Strenia, noui anni auspices primum accepisse, auctor est Symmachus, argumento indubitato, Viris Strenuis strenas conuenire, atq; ob Virtutem deberi. Vestros itaque in Sacris Studijs peruigiles labores, & strenuos in literis, Religioso dignis, conatus dum audio, incredibili animi efferor lætitiâ,*

tiâ, gaudeoque plurimum, recaluisse literarum  
amorem apud Vos, quibus tœdium prius gene-  
rabant: qua profecto Vestra tantâ animi con-  
tentione assumpta Studia, dissimulare nequeo,  
cum eorum gloria me delectet abundè; idque  
unicè cupiam, ut maiorem Sapientiâ sitim &  
aviditatem Doctrinâ, ipse discendi ardor in Vo-  
bis promoueat, & usus dulcedinem insinuet.  
Felicius quippè omen iam capio ex literis, qui-  
bus Vos addictos in audio; futurum certè spe-  
rans, quin cum ijs & Pietas associata veniat,  
& Virtutes ceterâ secundo cursu ferantur.

Ac quoniam religiosum Votiuumque existi-  
mo bonas artes stimulo premiorum felicius in-  
citare, Strenas Ianuarias, inuitamenta sudoris,  
Vestro premiando labori strenuo, offerre decreui:  
nempè **SALVATOREM MUNDI**  
**IESVM** infantem, à Nostro **QVINTINO**  
Monacho anagrammaticâ Pœsi doctissimè exor-  
natum typis publicari effeci, Vestrisque hunc fa-  
cundi ingenij partum manibus consecraui, ut  
tam pijs & docti Musæ Benedictinæ lusus, ad  
maiores in literis profectus, mentes Vestras ex-  
stimulent, & laudabilem doctrinâ ambitionem  
ingerant; quatenus acquirendæ opulentissimæ  
eruditioni intenti amplius, quicquid & in Pœ-  
tis Orthodoxis argutum vel amenum, apud O-  
ratores graue, in Annalibus fidele, inter Gram-  
ma-

maticos eruditum, in Philosophia subtile, necessarium & diuinum in Theologia studiosè deprehenderit, totum id pectore calenti hauriatis, futuri iusti haeredes veterum literarum. Istud itaque agite, & quâ coepistis alacritate contendite, rati non vulgare Vos obsequium Ordini & Tynecio praestituros, cum in eâ Studia neruosius incubueritis, quæ inscitia portenta de medio tollunt, quæ otium excludunt, quæ sanctas, quæ admirabiles, quæ doctas & beatissimas efficiunt Religiones. Habet enim Tynecense archisterium Regni nostri princeps & primarium Ordinis Benedictini domicilium, permultas commoditates, quæ animos Vestros ad studia rerum diuinarum, & veritatis in otio literario contemplationem, possunt permonere. Si situm, si adiacentia circumspiciatis? quæ loci clementia, quæ rerum copia, quæ necessitatum prouisio, quæ librorum abundantia, quæ celebritas antiquissimi & quondam ditissimi Monasterij, qui vicinorum de Tynecio sensus, quæ expectatio: Ordo ipse BENEDICTINVS Sanctitate & Doctrinâ semper illustris, TYNECENSIS item MONASTERII necessitas, ipsaque affluentia temporis, id à Vobis exigere meritissimo iure videntur. Adsunt Vobis permulta praesidia ad bene beatèque viuendum, sunt ad ornamentum, ad omnem commoditatem permulta; quibus si libera-

lium artium Studia, Tynecij quondam ( si historia  
inspiciatur ) culta, si florentissimum Philosophiæ ac  
Theologiæ gymnasium, si officinam artium honestis-  
simarum addideritis ; nescio quid Vestro Tynecio  
auctius ? quid nobilius ? quid admirabilius ? quid  
religiosius ? possit aut beatus excogitari ? Sin au-  
tem studium regulare & contemplationis artes  
contemnentur ? Verendum profecto est, ne de tan-  
ti Cœnobij copijs, magnaq; æstimatione plurimum  
detrahatur. quod ut in opportuno commodoq; si-  
tu, in copia, in opulentia, in omni bonorum genere  
multum habere præsidij videtur, maxima tamen  
pars in Doctrina & Sanctitate illi omnimodè ne-  
cessaria est constituta. quibus demptis, non Video  
quid admodum amplum, quid religiosum ei possit  
ex primo splendore ac gloria remanere. Quod ut  
optimè persuasum Vobis habeatis FF. Charissimi  
absq; Sanctitate & Doctrina nec Ordinem Bene-  
dictinum promoueri posse nec conseruari ; ac illud  
certissimum esse debet, perfectam Tynecensis Mo-  
nasterij atq; adeo Ordinis Vniuersi felicitatem sine  
Studij literarij à Regula præscripti præsidio, reti-  
neri non posse, quod rerum cœlestium contempla-  
tione verique perspicentia contineatur.

I E S V S  
S A L V A T O R  
M V N D I.

ANAGRAMMA PRIMVM.

Io, sum Deus naturalis.

**F**ilius ipse Dei Deus est aeternaque laetus  
Dum tenet in caelis gaudia, cantat io.

2. VERITATI AETERNÆ.

Iesus Saluator mundi.

Is solum nuda veritas.

**O**mnis homo mendax, solum Deus esse probatur  
Verus; ab aeterno talis & ipse fuit.

3. IMMUTABILI.

Iesus Saluator mundi.

Sum in Deo sita laurus.

**E**st Deus, inque Deo laurus velut una, virorem  
Cernitur elysij semper habere soli.

4. SALVTIS NOSTRÆ AMATORI.

Iesus Saluator mundi.

En diuus salutis amor.

**E**cce salutis amor diuus Deus ipse videtur;  
Est etenim saluans non nisi purus amor.

5. AD SALVTEM NOSTRAM ASPIRANTI.

Iesus Saluator mundi.

Vnus salutis Dei amor.

**V** Nus amor, *quo plena Dei sunt viscera Christi,*  
*Dicitur hic meritò nonne salutis amor?*

6. A SANCTIS PATRIBVS DESIDERATO.

Iesus Saluator mundi.

Tu salua; eris Dominus.

**C** Lamor erat Patrū, *Salua nos Christe Redēptor,*  
*Noster eris Dominus, noster eris que Deus.*

7. AB EISDEM SÆPIVS EXPETITO.

Iesus Saluator mundi.

Vise solūm tu radians.

**V** Ise solūm terramq; *tuo fulgore serena,*  
*Certa animi veniat te radiante salus.*

8. A PROPHEtis NVNTIATO.

Iesus Saluator mundi.

Visa erit salus mundo.

**V** Ista salus aderit, *dicbant sepè Propheta,*  
*CHRISTVS erit mundo, credite, visa salus.*

9. E COELO IN TERRAM DELAPSO.

Iesus Saluator mundi.

Vnius Dei saltus, amor.

**S** I quos Numen agit saltus, *cernuntur amoris;*  
*A celo in terram saltat amore Deus.*

10. AMOREM ÆTERNVM IN TEMPORE MANIFESTANTI.

Iesus Saluator mundi.

Diu latens visus amor.

**S** *It licet æternus, post plurima tempora, Diuus  
Matre fuit natus Virgine visus amor.*

11. VIRGINE MATRE GENITO.

Iesus Saluator mundi.

Vnus ideò laus Matris.

**P** *Rodijt hic vnus concl: sã Matris ab alio?  
Laud ideò Matris dicitur iste puer.*

12. IN STABVLO NATO.

Iesus Saluator mundi.

Olim Deus natus aruis.

**P** *Arunlus hic medijs est olim natus in aruis,  
In stabulo cunas vidit vt ipse suas.*

13. PASTORIBVS ANNVTIATO.

Iesus Saluator mundi.

Suauis in melos datur.

**D** *Vlce melos CHRISTO fuit enascente per actum?  
Dulce melos CHRISTVS sed magis ipse fuit.*

14. CIRCVMCISO.

Iesus Saluator mundi.

Sanè suauis dolitrum.

**E** *Cce puer IESVS sua confert dona salutis,  
Parualus effuso sanguine datque litrum.*

15. LE

15. LEGEM PERFICIENTI.

Iesus Saluator mundi.

Is laudaturus Moisen.

**N**on voluit Moſis CHRISTVS perfringere legem;  
*Illa ſed hoc melior facta docente fuit.*

16. STELLÆ INDICIO MAGIS OSTENSO.

Iesus Saluator mundi.

Luminofus eat radius.

**C**larus eat radius, ſtelle ſua lumina pandat  
*Indicio, & ſtabuli ducat in antra Magos.*

17. A MAGIS ADORATO.

Iesus Saluator mundi.

Sua nimis laude ortus.

**P**auper & abiectus quamuis videatur hic ortus;  
*Laude ſua, ut Deus eſt, non tamen ille caret.*

18. IN HVMILITATE EXALTATO.

Iesus Saluator mundi.

Laus Deo, manſi virtus.

**Q**uod non ante fuit, ſumpſit de Virgine natus:  
*Sed quod erat, virtus manſit, ut ante Dei.*

19. IN TEMPLO PRÆSENTATO.

Iesus Saluator mundi.

Simeoni ſaluus datur.

**F**ertur ut in templum, Simeoni offertur IESVS,  
*Cuius in amplexu ſunera cantat olor.*

20. REGI PACIFICO.

Iesus Saluator mundi.

Noua Iris sum delatus.

**P** *Acis habet signum radians in nubibus Iris;*  
*Sic pariter CHRISTVS fœdera pacis habet.*

21. SINCERO ET CORDE RECTO.

Iesus Saluator mundi.

Israëlita mundo vsus.

**V** *Ir pius ac simplex est mundo taliter vsus,*  
*Ac si mundum habitans de super astra foret.*

22. A D Æ S E C V N D O.

Iesus Saluator mundi.

Lenis Adam virtuosus.

**L** *Enis hic est Adam magnâ virtute secundus,*  
*Et quod primus homo debuit, ille luit.*

23. A L T E R I N O Æ M O.

Iesus Saluator mundi.

Is alius datur Noëmus.

**E** *Cœcè alius Noë, fabricatâ corporis arcâ,*  
*Qui cunctos homines eripit amne stygis.*

24. N O V O S A M V E L I.

Iesus Saluator mundi.

Samuël diuis ornatus.

**H** *It nouus est Samuël diuino munere Vates,*  
*Vnctio Principibus quo tribuente datur.*

25. SAV-

25. SAVLI COMPARATO.

Iesus Saluator mundi.

Sitne Saül diuus amor.

**S**itne Saül diuinus amor? *nam more Saülis  
Aurea dum pugnat sic amor arma gerit.*

26. PRÆ FILIIS HOMINVM SPECIOSO.

Iesus Saluator mundi.

Ardes vita luminosus.

**S**plendida non tantum facies & forma resulget;  
*Tota sed aethereo lumine vita micat.*

27. TOTI VIRGINEO.

Iesus Saluator mundi.

Sis veluti rosa munda.

**E**t rosa flos merito florum regina vocanda;  
*Diuorum melius tu pie CHRISTE ROSA.*

28. SVAVISSIMO.

Iesus Saluator mundi.

Is nardum suavis olet.

**S**uavis olet nardum *fragrans virtute suavis:*  
*O quam dulcis odor, quamq; suavis amor!*

29. MELLIFLVO.

Iesus Saluator mundi.

Tu mel ordinas suavis.

**M**elleus & suavis *sic mellea, suauia IESVS*  
*Ordinat, est verbis mellis suisque suis.*

30. AMABILI.  
Iesus Saluator mundi.  
Vir vti Soles amandus.

**O**mnibus est radians merito Sol nunquid amādus?  
Sol veluti CHRISTVS dignus amore venit.

31. IN AMORE FORTI.  
Iesus Saluator mundi.  
Validus es intus amor.

**I**ntus agis diuinus amor, validusque sacratio  
In cunctis feruens pectus ab igne geris.

32. IN AMORE PERSEVERANTI.  
Iesus Saluator mundi.  
Sit valens diuus amor.

**D**iuus amor nostras urat, precor, igne medullas,  
Exhibito nobis robore fitq; valens.

33. IN AMORE SVBLIMI.  
Iesus Saluator mundi.  
Is altus vnus Dei amor.

**A**ltus amor CHRISTI, nihil est excelsius illo  
Vt talis fuerit, non tamen ima fugit.

34. IN AMORE FERVENTI.  
Iesus Saluator mundi.  
Vt Delius viros amans.

**D**elius ecce nouus, feruens, simulatq; coruscans,  
Et sincerus amans diligit ipse viros.

35. IN AMORE FVLGENTI.

Iesus Saluator mundi.

Vt fidus, laus in amore.

**L**aus in amore *micans*, vt fidus luce coruscat;  
*Non aliter diuo laus in amore valet.*

36. IN AMORE PRVDENTI.

Iesus Saluator mundi.

It validus sensu amor.

**H**ic amor it validus sensu; *deliria nescit;*  
*Actibus in cunctis sed sapienter agit.*

37. IN AMORE NVTRICIO.

Iesus Saluator mundi.

Vnus amoris Deus alit.

**O**mnes vnus alit, Deus *hic apparet amoris,*  
*Quo bonus & pariter viuit alente malus.*

38. IN AMORE DISCRETO.

Iesus Saluator mundi.

Tu es fal diuinus amor.

**S**al diuinus amor *meritò tu cerneris esse:*  
*Condimenta etenim mentibus vsque paras.*

39. IN AMORE BENIGNO.

Iesus Saluator mundi.

Indulsi at vsus amore.

**V**sus amore, *reis indulsit crimina cunctis;*  
*Hi modò si pereant, id noua culpa facit.*

40. PIO ET CLEMENTI DOMINO.

Iesus Saluator mundi.

Vis Dominus salutare.

**T***V*pius es Dominus, nostram vis usque salutem;  
*Quod vis, hocq; volet, sit nisi stultus, homo.*

41. PATRI MISERICORDIARVM.

Iesus Saluator mundi.

Iufsi donum salutare.

**I***P*se salutis amans fieri vult dona salutis,  
*Auxilium miseris non iubet atque dare.*

42. TOTIVS CONSOLATIONIS DEO.

Iesus Saluator mundi.

Diuus tu lenis amarus.

**O***D*iuus, Diuisq; Deus qui premia confert,  
*Quam pius unguentis lenit amara suis!*

43. CÆLESTIS GRATIÆ LARGITORI.

Iesus Saluator mundi.

Ros diuus lenis amatu.

**R***O*s velut est CHRISTVS, totus sed lenis amatu:  
*Fœlix qui simili rore madescit ager.*

44. ANIMAS IRRIGANTI.

Iesus Saluator mundi.

Amandi vti ros leuis.

**R***O*s leuis est CHRISTVS, facilis dum gratia nostras  
*Mentes æthereo Dina fauore rigat.*

45. MEDICO SPIRITUALI.

Iesus Saluator mundi.

Tu diuus liuorem sanas.

**L** *iuuidus accepto nostrum tu vulnere sanas  
Liurem: Medicus c. rneris esse nouus.*

46. NOSTRO SAMARITANO.

Iesus Saluator mundi.

Tu melior sanas diuus.

**T** *V melior sanas animarum publica cura,  
Quam facit Hippocrates, Paeoniusq; senex.*

47. DIABOLICÆ FRAVDIS DETECTORI.

Iesus Saluator mundi.

Vir lenius doma astus.

**E** *Ia agè, CHRISTE doma peragens vir leniter astus,  
Quilibet abscedat te retegente dolus.*

48. BONA INSPIRANTI.

Iesus Saluator mundi.

Sator viuis das lumen.

**I** *Pse fator mundi das caelica lumina viuis:  
Mortuus haud lucis cernitur esse capax.*

49. MONITORI VALIDISSIMO.

Iesus Saluator mundi.

Vir fat validus mones.

**V** *Ir fatis es validus, monitis nos iugiter vrgens,  
Quos cupis aeterni iussa tenere Patris.*

50 SVASORI PRVDENTISSIMO.

Iesus Saluator mundi.  
Vti Suasor des lumina.

**E** *St Deus à nobis noscendus luminis auctor,  
Sinceri sapiens consilijq; dator.*

51. CONSTANTI ET ANIMOSO.

Iesus Saluator mundi.  
Is laudetur animosus.

**I** *S referat laudes, animosus ut esse probatur;  
Fregit enim stygij robora cuncta Ducis.*

52. Z E L O S O.

Iesus Saluator mundi.  
Adsum vir notus Elias.

**E** *St velut Elias magno seruore repletus;  
Mitior est eius seruor amore tamen.*

53. SVÆ GLORIÆ VINDICI.

Iesus Saluator mundi.  
Vnus iste amor laudis.

**L** *Audis amor Deus est, huic gloria redditur omnis;  
Si qua non fuerit reddita, vana perit.*

54. A SE LAVDABILI.

Iesus Saluator mundi.  
Is sua laus erit mundo.

**I** *Ndiget haud titulis, serat ut præconia laudis;  
Is sua sed mundo laus erit apta satis.*

55. SOLI IUSTITIÆ.

Iesus Saluator mundi.

Sol ritè visu amandus:

**H**ic est iustitia Sol visu CHRISTVS amandus;  
*Præ cunctis etenim dignus amore venit.*

56. FVLGENTISSIMO.

Iesus Saluator mundi.

Do visus terfa lumina.

**S**ol velut, ex animo scelerum caligine pulsâ,  
*Virtutum radijs lumina terfa fero.*

57. ANIMAS ILLUSTRANTI.

Iesus Saluator mundi.

Sanè viro altum fidus.

**N**oscitur esse viro fidus virtutibus altum,  
*Illustrans animum, dum facit alta Deus.*

58. INNVTIIS AQVAM IN VINVM CON-  
VERTENTI.

Iesus Saluator mundi.

O Salutaris des vinum.

**C**HRISTE Salutaris des vinum, *supplico, dixit;*  
*Mater, & est purum sic aqua facta merum.*

59. SVAVITER OMNIA DISPONENTI.

Iesus Saluator mundi.

Multa suauius ordines.

**S**uauius vt es IESV facias sic multa suauius:  
*Omnia namq; operans suauius Numen agit.*

60. VITA ADMIRABILY.

Iesus Saluator mundi.

Solus è vita mirandus.

**V** *T* plures fuerint. fecit quos vita stupendos;  
*Longè plus CHRISTI vita stuporis habet.*

61. IN MONTE THABOR TRANSFIGVRATO.

Iesus Saluator mundi.

Sat suo lumine radius.

**N** *O*n aliunde nitet, propria virtute resulget,  
*Clarus ut in Thabor culmine CHRISTVS adest.*

62. PASTORI BONO.

Iesus Saluator mundi.

Vir ovis dans salutem.

**H** *I*c bonus est Pastor, gregis est cui cura salutis,  
*Quiq; suo vitam sanguine donat Ovi.*

63. NOVE LEGIS SACRIFICIO.

Iesus Saluator mundi.

O diues altaris munus !

**O** *D*iuës ! *magnumq; nimis, quod munus habetur*  
*Altaris, CHRISTVS victima sacra Patri.*

64. PANI EVCHARISTICO.

Iesus Saluator mundi.

Vanos alit mirus Deus.

**M** *I*rus alit Deus *ipse homines quandoq; rebelles,*  
*Et vanos proprio corpore CHRISTVS alit.*

65. IN ALTARI CONSPICVO,

Iesus Saluator mundi.

Tale fidus nouum aris.

**T**ale nouum *sacris* CHRISTVS *resplendet in aris*  
Sidus, & *irradians solis adinstar adest.*

66. AGNO PASCHALI.

Iesus Saluator mundi.

Vnus Deus litas amori.

**E**cce litas *Diuo* Deus *ipse*met vnus amori,  
*Sacrificans* Deus es, *resque sacrata simul.*

67. ADIVTORI NOSTRO.

Iesus Saluator mundi.

Diûs mortales iuuans.

**O**mnibus ille iuuans *dextram mortalibus offert;*  
*Illius renuat quis nisi stultus, opem?*

68. REIS PEREVGIO.

Iesus Saluator mundi.

Munus reis dat oliuas.

**N**onnè reis *gratū* munus dat CHRISTVS oliuas,  
*Dum nos sanguineo lenit, & imbre rigat?*

69. VADI PRO NOBIS CONSTITVIO.

Iesus Saluator mundi.

Vas utilis mundo eris.

**V**t vadis officium fecit Saluator IESVS,  
*Est visus meritis utilis esse suis.*

70. MEDIATORI NOSTRO.

Iesus Saluator mundi.  
En saluis sum adiutor.

**A** Diutor saluis est fuso sanguine promptus,  
*Atque Deo per eum conciliatur homo.*

71. PECCATORIBVS PROPITIO.

Iesus Saluator mundi.  
Diuinus malos seruat.

**I**lle malos seruat diuinus in omnibus actis:  
*Effectu Deitas non meliore patet.*

72. PECCATORES EMUNDANTI.

Iesus Saluator mundi.  
Suos mundauit Israël.

**I**psę suos Israël mundauit crimine seruos,  
*Innocuus pœnas pertulit atque rei.*

73. PRO PECCATIS HOLOCAVSTO.

Iesus Saluator mundi.  
Is donum fui salutare.

**A**mplius haud donum est, quam se donare rogãti;  
*Plurima dona dedit, se Deus atque dedit.*

74. A MALIS NOS LIBERANTI.

Iesus Saluator mundi.  
Nos malis diuus eruat.

**Q**uesumus ille malis diuus nos eruat omnes,  
*Iustitia primam restituatque stolam.*

75. MUNDI REDEMPTORI.

Iesus Saluator mundi.

Reis vita, Mundo salus.

**V** Itareis, Mundoque salus Saluator IESVS  
*Cernitur, ut miseros eripit amne stygis.*

76. SALVTIS LARGITORI.

Iesus Saluator mundi.

Isti donum vera salus.

**V** Era salus IESV magno est pro munere donum:  
*Nil homini maius namq; salute datur.*

77. SALVATORI POTENTISSIMO.

Iesus Saluator mundi.

Res saluauit dominus.

**R** Omanam Fabius cunctando restituit rem:  
CHRISTVS res hominum restituit dominus.

78. SALVATORI MITISSIMO.

Iesus Saluator mundi.

Me saluat ros diuinus.

**M** Itis ut est IESVS, saluat me roris ad instar,  
*Depluit atque animo plurima dona meo.*

79. SANGVINVM SPONSO.

Iesus Saluator mundi.

Is doluit verus amans.

**V** Erus amans doluit passus tormenta Redemptor:  
*Quis sine tanta queat namq; dolore pati?*

80. AD PASSIONEM LATO ANIMO PRO-  
PERANTI.

Iesus Saluator mundi.

Animosa ludes virtus.

**A**rdua dum patitur, virtus infirma laborat,  
Ludit, & exultans est animosa malis.

81. SANGVINEO SVDORE MADIDO.

Iesus Saluator mundi.

Salus in morte sudaui.

**O** quantum innocuus sudauit mortis in hora!  
Sudor erat fletus, sudor eratque cruor.

82. SVO SVDORE NOS LIBERANTI.

Iesus Saluator mundi.

Ita sudans solui reum.

**Q**uando ita sudauit mixta cum sanguine lympha,  
Illius absoluit sanguis & vnda reum.

83. DEO PATIENTI.

Iesus Saluator mundi.

Diu vim toleras sanus.

**I**n cruce suspensus toleras vim corpore laesus;  
Ast animo sanus cerneris esse Deus.

84. CRUCI AFFIXO.

Iesus Saluator mundi.

Diuus moriens saluat.

**N**on frustra est moriens tribuit sed morte salutem,  
Magnaque pro nobis premia diuus habet.

85. IN CRUCE MORTVO.

Iesus Saluator mundi.

An Deus alijs mortuus ?

**M**ortuus ecce Deus : *noua res & digna stupore ;  
Res tamen haud ista verior vlla datur.*

86. PRO OMNIBVS PASSO.

Iesus Saluator mundi.

Omni datur eius salus.

**O**mnibus *una salus datur hic pro fontibus insons ;  
Omnibus ut proficit, sic precor, una salus.*

87. SVA NOBIS MERITA APPLICANTI.

Iesus Saluator mundi.

Merito diuus saluans.

**E**x merito CHRISTVS saluas nos diuus habetur ;  
*Sed nobis meritum contulit ipse suum.*

88. AD INFEROS DESCENDENTI.

Iesus Saluator mundi.

Diuos lustrauit manes.

**D**iuos lustrauit *penetrando Tartara manes ;  
Pluribus eunctis inde trophaa tulit.*

89. A MORTUIS RESURGENTI.

Iesus Saluator mundi.

Sum diuus alter Ionas.

**A**lter hic est Ionas mortis demersus abysso;  
*Resituit vitæ tertia quæmque dies.*

90. VICTORI GLORIOSO.

Iesus Saluator mundi.

Laureatus is Dominus.

**I**s victor Dominus superatâ morte triumphat,  
*Illius & cingit laurea parva comas.*

91. LEONI DE TRIBV IUDA.

Iesus Saluator mundi.

Audis mirus Leo natus.

**I**lle tribu Iudâ Leo natus mirus habetur;  
*Omnia namq; Erebi monstra valore domat.*

92. OB PASSIONEM EXALTATO.

Iesus Saluator mundi.

E duris tua laus omnis.

**E** duris tua laus IESV cognoscitur omnis:  
*Passio dura fuit, laus sed amana fuit.*

93. TOTIVS MVNDI DOMINO.

Iesus Saluator mundi.

Is, sua laus dominetur.

**I** S sua laus toto regnans dominetur in orbe,  
Et teneat sceptris debita iura suis.

94. AD CÆLOS ASCENDENTI.

Iesus Saluator mundi.

Euolans fursum adijt.

**E** Volat hic fursum, nullis tamen vititur alis,  
Sed virtute suâ se super astra vehit.

95. IVDICII SVPREMO.

Iesus Saluator mundi.

Datus aëri luminosus.

**C** VM CHRISTVS veniet residens super aëra Iudex  
Irradians magno lumine visus erit.

96. REPROBOS CONDEMNANTI.

Iesus Saluator mundi.

Tu olim suavis ardens.

**C** HRISTE tua exardens erat olim Iudicis ira;  
Vt modo do suavis amor, tunc erit ira grauis.

97. CITRA CONDIGNVM PVNIENTI.

Iesus Saluator mundi.

Diuinus es vltor? amas.

**S** Is quamuis scelerum vindex, diuinus & vltore  
Attamen ut plectis crimina, semper amas.

98. ELECTOS CORONANTI.

Iesus Saluator mundi.

Vnus saluos redimiat.

**E** Ffcit ut saluos, sic saluos ipse coronet;  
Gratia processit, gloria sitq; sequens.

99. SANCTORVM GLORIÆ.

Iesus Saluator mundi.

Sat in se laus diuorum.

**D**iuorū merito laus maxima CHRISTVS habetur;  
Sātque suis meritis præmia laudis habet.

100. VITÆ ET PRÆMIO ÆTERNO.

Iesus Saluator mundi.

Sis vita, dones laurum.

**S** Is mea vita Deus; nam mors est altera vita:  
Atque tuo pugili laurea dona feras.



SACRA ITERVM  
IUBILATIO,  
EIDEM INCARNATO  
VERBO DEI,

I E S V  
C H R I S T O  
DOMINO NOSTRO  
HVMANI GENERIS ASSERTORI  
PIENTISSIMO  
INVERSO SIMILITER METRO  
PANGITVR.





Iesus Dei Filius.

A N A G R A M M A.

Viuis es fidelis.

**E** Vryalus Niso, Pyladesq; Fidelis Orestis  
Dum canitur, Vates quid nisi vana refert?  
Quosque suo exhibuit Polluci Castor amores,  
Ingenij fictos quis neget esse iocos?  
Et tua Penelope que praestita fertur Ulyssi,  
Est merito thalami fabula habenda fides.  
Hac etiam maior si qua cantata Poetis  
Vlla fides, fidei non nisi larua fuit.  
Nulla fides mundo, nullusque Fidelis amicus:  
Fallit enim mundus, fallit amica fides.  
Carius Alexandro vixit quandoque Philotas.  
Hostis Alexandro maior at inde fuit.  
Foedus amicitiae Pompei & Caesaris arctum,  
Postea Pompeium Caesar ad arma vocat.  
Iulius Augusto placuit sermone disertus,  
Ante tamen mortem desijt illa fides.  
Nunquam finis erit, cupiam si cuncta referre  
Damna, tulit mundo que violatus amor.  
Cernitur instabilis maior constantia ponti,  
Quam sit amicorum non reputanda fides,  
Tu solus merito Viuis es CHRISTE Fidelis,  
Est dextra auxiliij sola tenenda tui.

*Tu quaecumque facis, seruas promissa Fidelis,  
Fallere mens fraudis nescia namque Dei est.  
Dumq; potes, quod vis, tu cerneris vsque Fidelis,  
Quae promissisti semper habentq; fidem.  
Constantes animo tantum sint, atque Fideles,  
Qui post fata volunt te pie CHRISTE frui.  
A modo fac igitur maneam tibi CHRISTE Fidelis,  
Ut tibi sim talis, tu mihi qualis eris.*

**Iesus Dei vnigenitus.**

**A N A G R A M M A.**

**Diuinus est ei genius.**

**Q**ualis inest CHRISTO genius, vis noscere Lector!  
Quod tibi pango metris, hoc Anagramma lege.  
Est diuinus ei genius, Deus atque probatur,  
Qui Patri aequalis cernitur esse Deo.

**Deus incarnatus.**

**A N A G R A M M A.**

**Tu in carne sudas.**

**O** Deus, humanâ tectus dum carne videris,  
Pro sudore tibi sanguis, & vnda fluunt  
Vnda fluit, varijs quando peregrinus in oris,  
Tu semen fidei nocte, dieque jadis.

Gethse.

*Gethsemani exorans Patrem conclusus in horto,  
 Proximus & morti, sanguinis imbre mades.  
 O cruor! ô sudor! sunt talia signa laboris,  
 In terris positus quem Deus ipse subit.  
 Et tu vilis homo spernens exempla Tonantis,  
 Tempore non modico desidiosus eris?  
 Vah! piget, extremos nequeas si ferre labores,  
 Sudanti ut faciem sanguinis unda riget;  
 Quod potes, illud agas; opus accipe viribus equum;  
 Præmia nulla feres, si piger usque manes.*

## Iesus de Virgine natus.

A N A G R A M M A.

### En visus erit Dei agnus.

**I**lle Dei est Agnus, mundi qui crimina tollit,  
 En modò, Mortales plaudite, visus erit.  
 Agnus visus erit, parvus dum vagiet infans;  
 Dum tormenta feret, visus & Agnus erit.  
 Ad mortem nam sicut ovis, ducetur IESVS;  
 Ore necem tacito flagràque dira feret.

## Iesus in stabulo natus.

A N A G R A M M A.

### En iustus saluabit nos.

**T**artareo Patres gemitis quid carcere clausi?  
 Iam satis est votis, sat lacrymisq; datum.

Opta-

*Optatissne ser at cum germine terra salutem,  
Atque pluant iustum nubila, dentq; Deum?  
Iustus adest, Deus ecce subit de Virgine natus.  
Plaudite, saluabit nos, redimetque malis.*

### Iesus in stabulo natus.

#### A N A G R A M M A.

### Astu venit nobis salus.

**N** Ascitur in stabulo qui cuncta palatia Regum  
Rex Salomone domum maior habere potest.  
Certa salus hominum magno sic prouenit astu,  
In stabulo puerum, quis putet esse Deum?  
Ante velut demon astu decepit Adamum,  
Sic nouus hic astu demonâ fallit homo.

### Iesus in præsepio reclinatus.

#### A N A G R A M M A.

### Io, præfens puer à se inclytus.

**D** Icite io IESV, mortales plaudite cuncti;  
Gloria in excelsis reddita sitq; Deo.  
Calica turba suo pangit dum Cantica Regi,  
In terris etiam Musica grata sonet.  
Post tantos gemitus, post tot suspiria, tandem  
CHRISTVS ab intacta Virgine natus adest.  
Plaudite Pastores vobis nam gaudia desert.  
Angelus, ad cunas iam properate Dei.

*Plaudite Rex Regum præfens puer inclytus à se.  
 Hic Deus est ; proavis non eget ille suis.  
 Progenies quamuis titulos Dauidica Matri  
 Conserat, hic maius stemma, genúsque trahit.  
 Attamen in stabulo puer hic, tantusq; Monarcha  
 Natus stramineum possidet ecce torum.  
 O stupor ! ó mirum ! posthàc quis mollia queret ?  
 Eligit ut nascens aspera cuneta Deus.*

### Iesus in præsepio reclinatus.

#### A N A G R A M M A.

O Sapientia ! pueris lucens eris.

**I**nfinita Dei lucens Sapientia, I E S V,  
 Exemplum pueris tu puer ipse dabis.  
 Paruus enim factò clamas, quod postea verbo ;  
 Discite Mortales, sum quia mitis ego.  
 Corde humilis videor, semper vultuque benignus,  
 Quà decet & veneror religione Patrem.  
 Subditus & Matri promptè mandata capesso ;  
 Tu me quisquis amas, hoc imitare puer.  
 Sed dolor ! hæc quamuis fuerit Sapientia lucens  
 Cunctis, vix uni dogma salubre placet.

### Iesus à Matre adoratus.

#### A N A G R A M M A.

Ardeat amor, suavis est.

**A**rdeat intus amor, colitur dum Numen I E S V.  
 Suavis amor pueri, suavis amorq; Des est.

C

Ie

Iesus panis inuolutus.

A N A G R A M M A.

Tu nos lenis panis viuus.

**A**pta domus panis Bethleem iam noscitur esse.  
CHRISTVS ut hac vagit natus in vrbe puer.  
Ille etenim panis viuus delapsus Olympo,  
Nos licet agrestes lenit, alisque simul.

Infans Iesus circumciscus est pro more  
Iudæorum.

A N A G R A M M A.

Is præ nimio amore succensus, suis  
fudit cruorem.

**S**icire cupis, IESVS cur circumciditur infans?  
Iussa sibi statuit talia Diuus amor.  
Non sicut reliqui scelus hic contraxit Adami,  
Vt foret illius sanguine habenda salus.  
Præ nimio fudit succensus amore cruorem:  
Isque suis fudit, quidquid amore dedit.  
Sim tuus ô IESV; mihi præsti sanguinis vnda,  
Quam modo de tenero corpore fudit amor.  
O amor! ô sanguis, mea spes. pretiumq; salutis!  
Me precor assiduè da meminisse tui.

le.

Iesus à Magis adoratus.

A N A G R A M M A.

Suavis do gratias meas.

**F**ulgentiori stella quos ducit suo  
Splendore Reges, concito ad cunas gradu  
Properate CHRISTI: quòdque desertis pij  
Monimentum amoris, thure permixto aureum.  
Offerre munus. Diues hic vobis puer  
Maiora reddet. Gratias inquit meas  
Ego do suavis. Gratix quodnam Dei  
Infantis huius esse par munus queat?  
Desertis aurum? Caritas aurum preit.  
Cum thure myrrham symbolum affectus datis?  
Spes iuncta fidei praualet donum Dei.  
Et dum suavis totus & vultu suas  
IESVS sereno gratias confert puer,  
Caeleste donum si quod augmentum capit,  
Id omne tribuit. Regibus iunctum, precor,  
Me cerne IESV: pedibus aduoluor tuis,  
Et vile quamuis, pignus affectus gero;  
Cor ecce tribuo; quidquid & potest tibi  
Mortalis animus ferre, iam totum exero.  
Nihil referuo, gratix vt donum puer  
Mibi suavis seruulo feras tuo.

Puer Iesus.

A N A G R A M M A.

Piè seruus.

**S**ubditus hic veluti seruus Matricque, Patricque,  
Iussa piè exequitur filius ecco Dei.  
Hoc puer exemplo facias mandata Parentum:  
Ni seruus fueris, filius esse nequis.

Ie-

Iesus Redemptor.

M V X A N A G R A M M A .

Emeritus prodes.

**E** Meritus prodes, pateris dum Christe Redemptor.  
Pro nobis meritum vult Pater esse tuum.

Cur homo desperes regnum caeleste mereri,

Dum proprijs satagens viribus ipse nequis?

Eia age, sume animos; dirá nam morte Redemptor

Qua tibi promeruit, caelica regna dabit.

Gloria non deerit, modò sit tibi gratia CHRISTI.

Iugiter hanc igitur supplice mente roga.

Iesus Saluator.

A N A G R A M M A .

Sol suavis erat.

**D**um sine nube micat Sol, cernitur esse suavis,  
Suavior at proprio lumine Christus erat.

Suavis erat IESVS toti, dum viueret, Orbi:

Suavis erat puer hic, suavis adultus erat.

Suavis erat vultu, veluti sermone suavis,

Suavis erat Matri, suavis eratque Patri.

Discipuli suauem nec non habuere Magistrum,

Vidit & hunc suauem criminis ipse reus.

Magdala testis erit, quæ IESV sole suauis

Oscula dans pedibus, suauiter usa fuit.

Sis pariter nobis, IESV, sol quæso suavis,

Nostraque sit radijs mens recreata tuis.

Iesus Saluator.

A N A G R A M M A .

O sit vera salus!

**O** Sit vera salus nobis Saluator IESVS!  
Non pereat pretium quod crucis ara dedit.

A D  
IESVM CRVCIFIXVM.  
Rythmus Iambicus.

**A** Mor Deus dulcissime,  
Redemptor & piissime,  
IESV Patris per omnia  
Pari colendus gloria.  
IESV salus fidelium,  
Et vn. cum solatium,  
De Matris aluo Virginis  
Qui produisti, criminis  
A labe nos vt tergeres,  
Mundosque culpa redderes;  
Tui clientis anxia  
Vide precor suspiria.  
Ad te gemo cum fletibus,  
Et maximis doloribus:  
Vix ore verbum promitur,  
Mœrore cor dum finditur.  
Heu! quis Tonantis filium,  
Candens amoris lilium,  
Cernat pati sic tormina,  
Nec sentiat grauamina?  
Vrget amor, torques Deus:  
Amor tuus, dolor meus;  
Tuum mihi suspendium,  
Doloris est incendium.  
Ah! totus vrer igneus,  
Accrescit vt dolor meus:

Vim temperat sed lacryma  
In copia quæ maxima  
Nostris ocellis effluit,  
Ardensq; pectus abluit:  
Amor dolori subuenit,  
Viamq; luctus inuenit.  
Primum canat lugubria  
Que voce tristi nœnia?  
Quocumque verto lumina,  
Cruoris exstant flumina.  
Tuum caput pulcherrimum,  
Et Angelis gratissimum.  
Serto reuinctum spineo,  
Madet cruoris aluco.  
Manus creatrix omnium  
( Est veritas, non somnium )  
Hic perforata cernitur.  
Clauoque fixa panditur.  
Pedes, quibus calcabiles  
Fluctus maris mirabiles  
Se prabuerunt, noxij.  
Iam perforant & impij.  
Est lanceæ per militem,  
Est efferum satellitem  
Latus mucrone saucium,  
Ad ima cordis peruium.  
Hoc vulnus ut considerat,  
Te cor meum desiderat.  
Me luctus ingens afficit,  
Cum te dolor sic conficit.  
Intra latus me condito,  
Guttas cruoris fundito: Se

*Se feruidam mens sentias,  
Ut in bonis consentiat.*

*Cordique cor sic vmas,*

*Ut ampliores gratias*

*Tuis ferat fauoribus,*

*Piys flagrans amoribus.*

*Amore IESV lingueam,*

*Amore CHRISTI palleam;*

*Tecum mori plus eligo,*

*Te CHRISTE, quando diligo.*

*Te diligam, sed maxime,*

*Feruens amor sit intime:*

*IESVS amorem prodidit,*

*Quando cruci se tradidit.*

*Non maior cadet caritas,*

*Eterna nobis veritas*

*Monstrat Dei quàm filius*

*Mortalibus verè pius.*

*Amor Dei mirabilis,*

*Et voce non effabilis:*

*Amor Dei quàm fortis es,*

*Amor Dei quàm suavis es.*

*Amor domas fortis Deum,*

*Amor suavis cor meum*

*Ad te trabis suauiter,*

*Impellis atque fortiter.*

*Sed quaeso, me potentiùs*

*Velim trahas & fortiùs:*

*Tecum mori desidero,*

*Proinde cuncta desero.*

*Mundi vale dementia,*

*Mundi vale potentia;*

*Carnalibus fallacijs*  
*Vale Venus cum gaudijs.*  
**Te CHRISTE totus ambio,**  
**Tormenta ferre gestio:**  
*Pro te mori iam serueo,*  
*Magis crucem non horreo.*  
*Si non finas pro te mori,*  
**Saltem finas tecum mori:**  
*Vnum mihi votum mori,*  
*Sed cum meo IESV mori.*  
*O mors mihi dulcissima,*  
*Et cum Deo gratissima,*  
*Quam te lubens desidero,*  
*Per te nimis felix ero.*  
**Felix ero perenniter,**  
**Fruens Dei suauiter**  
*Dono superni luminis,*  
*Summique vultu Numinis.*  
**Hæc vota IESV suscipe,**  
**Meosque luctus percipe:**  
*Viuo mihi da gratiam,*  
*Et mortuo da gloriam.*



*in*

